



## Bon veni a la jornal #3 de Orizones Nova

Bon veni a **Orizones Nova**, la prima jornal sciveda tota en Lingua Franca Nova. Per aceles ce no sabe ce es Lingua Franca Nova, un introdui corta:

---

**Lingua Franca Nova** es desiniada per es un lingua vera simple, coerente, e fasil aprendeda, per comunica internasional. El ave varios cualia bon:

- El ave un numero limitada de fonemes. El sona simila a italian o espaniol.
- El es sciveda como el sona. No enfante deve pasa multe anios studia nonregulas!
- El ave un gramatica vera simple e regula. El es min complicada en esta caso como engles o indonesian.
- El ave un grupo limitada e tota regula de afises produinte per crea parolas nova.
- El ave regulas de la ordina de parolas bon definada, como multe linguas major.
- El ave un lista de parolas fundada en la linguas roman moderne. Esta linguas es comun e influensente, e ia contribui la parte major de parolas engles.
- El es desiniada per es asetante natural de parolas tecnil de latina e elenica, la "norma de mundo" per fato.
- El es desiniada per aperi plu parte "natural" per los ci comprende la linguas roman, ma no min fasil per otras.

Per plu informas, per favor vade a <http://lingua-franca-nova.net>, la paje xef de la lingua.

---

Cuando me es sola, me pensa multe supra linguas, la spasio, e un otra cosa ce me no pote dise. Per ce me pensa multe supra spasio, e per ce LFN es un lingua per persones ce gusta linguas ja (si un no gusta linguas es cuasi nonposable saber supra un lingua tan poca e nova como LFN), e per ce me no pote scrive supra un cosa secreta, natural la jornal ia deveni un jornal supra la spasio. Me compati per aceles ce no gusta la spasio, ma es un mania, e per ce no un envia a me articles per la jornal (-\_-), me debe scrive supra la cosas ce me gusta. La lingua corean ave un parola bon per esta situa:  
\_\_\_\_\_, \_\_\_\_!

Ma per ce la cosa la plu importante es aver un jornal sciveda en LFN supra alga cosa, posable la sujeto no es tan importante. Me gusta la spasio, e tu ance va gusta el.

# Retorna a la Luna

(un tradui laxe de un article orijinal en engles)

Esta article es un tradui de me de engles (e me no va dise cuando es la testo orijinal, per ce me vole ce vos leje la testo en LFN) ce esplica bon la stadio seguente de nos en la developa de la spasio. NASA ia es multe criticada per se nova projeta per la esplora de spasio, ma lejente la seguente article me no pote no acorda con la opina de la scrivor. La article es multe grande, donce:

- \_ Fa un vaso de cafe o te,
- \_ Pensa supra la developa de spasio, e
- \_ Leje bon la article!

## Retorna a la Luna

En desembre 2006 ia es la du Space Exploration Conference (Conferi per Explora de Spasio), en Houston, en ce la sujeto de la Luna ia es la plu grande. Sirca 200 ativas per la Luna ia es descriveda, en ses categorias incluinte:

- Colonia
- Coopera mundal
- Siensa
- Prepare per Marte

En 2006, cuando NASA ia proclama ce los intende retorna a la Luna en se VSE (Vision for Space Exploration, o Vide per Explora de Spasio), un poca de caos ia ocure. Ce vole NASA? Es ce la VSE es un clama per un base permanente en la Luna? O posible per envia umanas a Marte? O posible el es vera un projeta tro grande, ce va sola usa moneta ce debe es usada en un otra loca. La Mars Society (Sosia de Marte) ia cexa supra la consentra supra la Luna en loca de Marte. La comunia siensal sola ia cexa. Esta caos veni en grande parte de misinformas\* (informas erada) supra la Vide de NASA.

Cuando la Lunar Architecture Team (LAT, o Ecipo de Artiteta Lunal) ia comensa la colie de ideas ce los ia reseta supra ce nos debe fa supra la Luna, los ia debe reconsela multe pensas e consetas diferente, creante un sola esplica unida. Esta prosede ia comensa en april 2006 en un colie ce ia trae multa atendores, con se propre fondos e ideas a la mesa. Esta encontra ia produi un resulta un poca sorprendente, per ce el ia es plu unida ce los ia espeta. La resulta ia es ce umanas debe coloni la Luna con la razones de abitas umana e prepare per Marte como la plu importante.

Entre la anio 2006, esta temas e cuatro otras (siensia, crese economical, coopera international, e relates con la popla) ia ocuri, e la resultas ia es publicada en Houston. La lista pos publicada ia es intendeda es sola un mostra de la atas posible en la suprafas de la Luna, no la atas tota ce NASA vole fa. E per ce la lista ia apari en ses partes, la opinas publica ia es ce "NASA vole fa plu multa cosas ce el pote fa" o "NASA no ave ideas pratical per la esplora e developa de la Luna".

*La Tera e la Luna, e la spasio entre (distantia comparente a la grandia es real).*

No cosa pote es plu distante de la veria. La reporta de LAT es sola la resulta de la atenta de la ajenteria per satisfi la plu multe persones posible en la strutur donada par la VSE. Donce, ce es la esplica per la retorna a la Luna par le arcitetores de la VSE? Ce, se los esiste, es la razones ojetal per un retorna a la Luna?

Per trova la respondes, un pote leje la testos de la politica, incluinte la narada orijinal de Presidente

Bust, e un descurada (ma multe importante) explica de el par John Marburger, la Avisor de Siensa per la Presidente. La narada de la presidente tre anios ante supra la politica es multe clar supra la razon per la retorna a la Luna. Presidente Bush ia dise:

"Comensante no plu tarde ce 2008, nos va envia un seri de misiones robotal a la suprafas de lu Luna per rexerca e prepari per la esplora a la futur. Usante la CEV (Crew Exploration Vehicle - Transporta de Esplora de la Ecipo), nos va fa misiones estendida fada par umanas a la Luna no plu tarde ce 2015, con la ojeto de vivi e labora asi per periodos plu e plu longa."

Ance:

"Retorna a la Luna es un paso importante por nos programa de spasio. Fa un presentia umana supra la Luna ta pote redui la costa de esplora futur de spasio, e va fa posible misiones plu e plu aspirante...la Luna es un fonte de recursos en cuantias grande. Se solo conteni materias cru ce ta pote es recolieda e fada en combustables per rochetes o air respirable. Nos pote usa nos tempo en la Luna per developa e proba metodos, tecnolojias e sistemas nova ce va lasa nos ata en otra ambientes, plu e plu defiante. La Luna es un paso lojical a plu progresia e susede."

De esta declaras, es clar ce la mision de vade a la Luna es un mision de developa - developa de metodos, prosedes e tecnolojias, con la ojeto de fa la vola de spasio plu fasil, regula e plu capas.

Si esta no es tan clar, la narada de John Marburger du anios pos ia fa plu clar nos ojetos final:

"La Vide de la Presidente ance declara la vole per dirije en spasio, ma ance fa nos ojeto final plu clar. E esa ojeto es ance plu grande. La ojeto final no es impresar otras, o sola esplora nos sistem planetal, ma ance usar spasio asesable per la benefica de umanas. El no es un ojeto ce parteni un desenio o sentenio. Ance no un ojeto limitada a un sola destina prosima, o un freta per sta un bandera. La idea es preparar un futur en ce la materia trapada sirca la Sol es otenable per nos modo de vive.

E:

"Nos ia sabe ja multe longa tempo ce esiste un area enorme entre la ojetos trapada per la gravita de nos stela, la Sol, e tota la otras... Fenomenas en nos lado de la area entrestelal, nomada par nos la Sistem Solal, posable va es esaminada direta, e pote es desciveda como cosas ce se inclui en la sfera de influense de umanas. Segunte me, la demanda es si nos vole fa la Sistem Solal en nos sfera economical, o no."

La dirijores ia dise clar ce nos va retorna a la Luna per aprende como usa la cosas ce nos trova en spasio per crea capasias nova per viaja en spasio. La ojeto no es sola la retorna a la Luna, o envia umanas a Marte, ma la estende de nos capasias per locas plu distante ce orbita basa sirca la Tera, e final a tota destinas posable ce se trova plu distante.

La VSE es diferente ce otra politikas de spasio ante. Se desinia es un ce crese e se colie plu grande. Nos fa "progresia constante" a alga rapidia, rapida o lenta, per razones finansial. Ma con esta pasos poca nos crea capasias nova con la tempo. Nos ativas va instrui nos no sola como supravive en un otra loca ce nos planeta, ma como vive bon en esa loca. Esa taxe inclui vive en la suprafas de otra planetas, fa laboras usable cuando nos es ala, e estreae la cosas nesesada de la recursos material e enerjial ce nos trova. Nos va usa esa capasias e metodos per crea un infrastrutur\* ce lasa nos vade a la Luna e locas entre la Luna e la Tera, como un costum.

La sinifa de esta punta es multe importante: asesada a la spasio entre la Tera e la Luna va revolui la esplora de spasio. Aora, nos crea sistemas de spasio desposable. Los ave un tempo de vive spesifada, e pos se usa los es abandada. Con la costa alta de vade a la orbita basa sirca la Tera, vola en spasio es multe cara e nonfasil. Donce, la spasio ia es (e aora es) sola la provinse de la governa, esepte sarta otra comersias como telefonia global.

Con esta Vide realida, lunetas pote es servida, mantenida e redede - sistemas de spasio va es desiniada per un tempo de vive nondesideda. Con la costas de lansa ce nos ave aora, esta no es

posible. Ance con un basi grande de esta costas, lunetas artificial en orbitas geosincrona apena pote es servida. Ma si nos pote crea un sistem ce pote vade a la Luna per oteni combustables creada en la Luna e no la Tera, nos donce va ave la capasias vade a alga loca entre la Tera e la Luna. Con esa combustables nos va pote vade alga loca, alga tempo, con alga capasias nesesada. Esta es la comensa vera de la capasias spasio. Esta ambiente va libri imaginas, crea capasias e crese tecnolojia, siensia, esplora e comersia.

Corta, nos va vade a la Luna per un razona clar e comprensible - per va pote fa la tota otra cosas ce nos vole fa en la spasio. La Luna es nos scola, laboreria e loca de crea. La Vide comensa con crea un via entre la cor de la spasio entre la Tera e la Luna, creante un infrastrutur de transporta per usores varios - siensistes, escavores, vendores e comprores, e final, colonores.

Ce es la rol de NASA e la governa federal en esta cosas? El no es la rol de crea industria en la spasio, ma determina si la crea de esta industria es posbale. Per reali esta vide de spasio tan grande esije ce nos comprende esate como nonfasil esta taxes es. Posable en un teoria es un cosa - crea en realia es un otra. NASA debe forsa la fronteras technical - per dirige e responde a demandas e developa prosedes tro cara o tro nonfasil per companias privada. Aprende como vive en un otra mundo e estrae la cosas nesesada es un taxe defiante, un taxe ce es conveniente per R&D (rexerca e developa) fada par un ajenteria federal.

Pos comprende la nonfasilias technical e abri posablias, la governa debe fa un paso retro, e lasa la forsas de la mercato labora, cuando ance reteni un presentia per manteni la lege e serti ce la interesas de la nasion ance es servida. Donce, contra ce la governa a no tempo va deveni un produor de recursos, el es nesesada per manteni ce corporas respecta la diretos de propria e compete en un mercato justa e abrida, con la mesma regulas supra anti-confide e securias, como alga otra compania en la Statos Unida.

Donce, per ce alga persones aora demanda, "Per ce nos vade a la Luna?" Alga persones clar no es comfortable con la dirige esplicada su. Per multe persones, la idea de un programa spasio ce usa fundas publicas dirijeda e operada per la benefica de un comunia de siensa academial, es la metodo "coreta" per un programa spasio. Sin alga dirige de la Presidente o Congressos en la resente 15 anios, esta ordina de la dia dirijeda par siensia ia es asenedada. En la eda de Apollo, la usa de recursos nasional par la governa per fa ojetos de spasio supra un situa de gera ia es la modo de opera la plu dominada.

Usa la cosas ce nos trova en spasio per fa posible esplora e crea capasias nova es un cosa ce a no tempo ia es atentada. La ojeto de la Vide es estende la comersia de umanas plu distante ce la orbita basa de la Tera, do la universa deveni asesable per cada person. La desira de la Statos Unida per esplora e crea ricias nova ia fa posable nos sosia rica e susedente. La Vide per Esplora de Spasio estende esta acaso per tota umanas a la Sistem Solar e la universa plu distante.

(Scriveda orijinal par Paul D. Spudis)

<http://www.spudislunarresources.com>

## La Batalia de la Linguas - 2

Informas nova ia apari esta mensa, e nos pote vide la difere entre novembre 2006 e janero 2007.

Nom de lingua	april 2005	novembre 2006	janero 2007
engles	35.3%	29.7% (-5.6%)	29.9% (+0.2%)

xines	13.0%	13.3% (+0.3%)	14.0% (+0.7%)
japanes	8.2%	7.9% (-0.3%)	8.0% (+0.1%)
espaniol	6.9%	7.5% (+0.6%)	7.9% (+0.4%)
deutx	6.7%	5.4% (-1.3%)	5.4% (no cambia)
franses	4.5%	4.6% (+0.1%)	5.0% (+0.4%)
corean	3.8%	3.1% (-0.7%)	3.1% (no cambia)
italian	3.5%	2.7% (-0.8%)	2.8% (+0.1%)
portuges	2.8%	3.1% (+0.3%)	3.1% (no cambia)
nederlandes	1.7%	no mostrada	no mostrada
rusian	no mostrada	2.2%	no mostrada
arab	no mostrada	no mostrada	2.6%
otras	13.7%	20.5% (+6.8%)	18.2% (-2.3%)

Ma, un no debe oblida ce esta es la **numeros** de la parlores de un lingua, e no la **cuantia de contenida** de linguas. Es multe plu probable ce la parlor de un lingua poca ave tempos en ce el debe usa un lingua plu grande, ma no es tre probable ce la parlor de un lingua grande ave tempos en ce el debe usa un lingua plu poca. Donce, la contineda vera de engles en la internet debe es plu grande ce 29.7%, posable multe plu grande.

## Novas e Pensas Acaso

Novas e Pensas Acaso es un loca per scrive tu pensas o novas ce no es basta grande per se propre article. Pensas supra la mundo, linguas, la state de LFN e linguas construida, spasio, etc. En esta prima varia de la jornal sola me scrive la pensas acaso, ma pos la ora cuando otras va scrive, nos va junta nos nomes pos la pensa sciveda en letras poca.

- Orizones Nova (la sonda, no la jornal) aora prosimi la planeta Jove – vide la paje xef per plu novas: <http://pluto.jhuapl.edu/>

## Article de la Vici Esta Mensa

Esta mensa la articles sciveda en la vici ia es multe, ma poca – articles supra anios, asteroides, filosofistes. E per ce nos ave un tradui grande en la jornal de esta mensa, un article de la vici no es nesesada. Ma me scrive la statisticas de la vici su per mostra nos progresas:

**3,055** pajes, incluinte pajes de discute, pajes supra LFN, redirijes, etc. etc.

**668** pajes vera, pajes ce ave conteni e es interesante.

**488,334** vistas de la vici.

**8,240** editas. En vicipedia otra linguas ave un robot ce veni per junta lias a vicipedias en otra linguas, donec los ave un numero grande de editas mesma si los no ave conteni interesante. Donec la numero 8,240 no pote es compareda a vicipedias en otra linguas aidante. E:

**55** usores.

## Pajes de Rede Recomendada

Pajes de Rede Recomendada es tre simple. Scrive supra pajes en la rede ce tu gusta, o pensa ce pote fa la vive de un plu bon. No pajes comercial (anunsias poca como Google Adsense es oce, sole pajes ce existe per atentas comercial no va es scriveda).

- <http://www.afrikaans.us> --> La paje de rede la plu bon per aprende la lingua Afrikaans. Afrikaans es un '50% creol', multe plu simple ce nederlandes ma multe simile. La paje es creada per un sola person.

## Posta

No un! Si tu vole ce tu posta apare en esta jornal, scrive per favor a:

[mithradates@gmail.com](mailto:mithradates@gmail.com)

## Diretos de Copia

Horizontes Nova usa la lisensa Creative Commons.

### **Onora-NonComercial-Comparti Simile 2.5**

#### **Tu pote libre:**

- copia, distribui, mostra, e presenta la labora
- fa laboras deduida

#### **Su la articles seguente:**

**Onora.** Tu debe donec la onora a la autor orijinal.

**Non-Comercial.** Tu no pote usa esta labora per intendes comercial.

**Comparti Simile.** Si tu cambia, muta, o construi alga cosa usante esta labora, tu pote distribui esa labora sola usante un lisensa la mesma ce esta lisensa.

Esta es un varia de la [tota lisensa \(ingles\)](#), scriveda simple per ce persones comprende sin problem.

Nota: Articles de la LFN uici usa la [GNU Free Documentation License 1.2](#).